

armariæ pertinerere recognita sunt, et scriptus est liber hic monimenti in conspectu Domini. Sed primum quidem spiritualis leticiæ et sacrae devotionis togas cum caeteris utensilibus evolvamus, deinde libros armariæ nostræ, in quibus videlicet arma nostra non carnalia, sed spiritualia Deo locata sunt, computemus. Quæ adornantur in ecclesia hæc sunt: Altare. Sacerdos. Ministri. Scola chori. Ambitus aecclæsiæ. Altaris ornamenta sunt in vasis et vestibus. Vasa altaris sunt altaria mobilia, capsæ, cruces, plenaria, calices, harundines, ampullæ et his similia. Habemus altare unum mobile de electro, capsas V¹, quarum² tres sunt de ebore. Insuper pixidem eburneam cum eucharistia, cuius exterius vasculum vestitum est argento. Habemus eucharistiae pertinentem scutellam argenteam et latericium vas peregrini operis, quæ in coena Domini repositioni dominici corporis exponuntur. Cruces duas auro vestitas et gemmis cum hastilibus deargentatis. Plenaria duo. Calices aureos duos, argenteos XI. Harundines auream unam, deauratam unam, argenteas duas. Ampullas argenteas miro opere duas. Preterea cruces cottidianas duas, vexilla VII³. Duo⁴ meliora candida cum christallis et rotulis suis et duo communia. Nunc de vestibus vel potius investitura altaris. Hæc est in pallis, linteis, corporalibus, offertoriis. Habemus pallas XI, linthea festiva III^{or}, diurnalia XX, corporalia XXVI. Offertoriis supersederi potest. Sequitur de ornamentis sacerdotis. Quæ ut incipiamus ab excellentioribus, sacerdotem quodammodo disvestiamus. In hoc ordine primum auferemus missalem, deinde casulam, stolam cum manipulo, succingulum, cingulum, albam, humerale. Habemus missales XII^{cim} preter missalem cottidianum I principalis altaris et euangeliarium cum lectionario et preter collectarium festivum et libellos continentes missam pro defunctis et librum benedictionum. Habemus et casulas XII, quarum VIII⁵ aurifrigiate. Stolas de auro et argento VIII^{to}, sericas VIII, communes XII^{cim}. Succingula tria de auro et argento; cingula differo. Albas limbatas quinque, humeralia cum auro sex. Nunc de ornamentis ministrorum. Ministri sunt diaconus, subdiaconus, ceroferarius. Diaconi proprius ornatus est dalmatica. Habemus preter diurnales duas sex dalmaticas, quarum una est aurifrigiata. Subdiaconi proprius ornatus sunt subtilia et manipuli. Preter diurnalia duo habemus VIII subtilia. Manipulos de serico sex. Quorum duo subtilia sunt argentifrigiata, duo manipuli de auro. Ceroferariorum proprius ornatus sunt

1) Die Zahl von anderer Hand auf Rasur. 2) 'q. t. s.' durchstrichen. 3) Die V auf Rasur, ursprünglich jedenfalls IIII. 4) Später in 'Quæ' (Quinque) geändert, und V übergeschrieben. 5) 'III' mit anderer Tinte auf Rasur, und eine Compendiumssignatur über der Zahl ist radiert.